



**MANIFIESTU POLA
REINDUSTRIALIZACIÓN
DE LLANGRÉU**

Aína Asturies

¡Volvéi la industria al pueblu!
Agrupación del Nalón (Llangréu)




El Gobiernu asturianu tien que pasar d'una política industrial pasiva y dependiente de les tendencias económiques globales y d'inversiones esternes qu'anulen la capacidá llocal de toma de decisiones, a una política industrial activa, emprendedora y soberana na que l'Alministración pública, con toles ferramientes que tien, llidere la reindustrialización y ponga a producir el suelu industrial de les cuenques.

01. CONTESTU: LA CUENCA'L NALÓN EN 2026

Aína entama una campaña en Llangréu col oxetivu de reivindicar un cambiú na política industrial de los conceyos mineros, onde anguaño esiste una superficie considerable de suelu industrial ermu d'actividá, de proyectos y ensin ocupar.

Poro, baxo'l llema **"Volvéi la industria al pueblu"**, la organización plantea la necesidá d'un xiru na orientación de les polítiques de desenvolvimientu industrial y señala que les fasteres del Nalón (xunto tamién a les del Caudal y Narcea) foron oxetu d'un procesu de desindustrialización ensin precedentes, lleváu a cabu ensin un plan alternativu realista nin una proyección de futuru a mediu y llargu plazu. Esti procesu, según se denuncia, **foi consecuencia de decisiones estrictamente polítiques adoptaes nos ámbitos asturianu, estatal y européu**. Por ello, dende Aína sostiénse que les alministraciones públiques caltienen entá una delda pendiente en materia industrial coles comarques mineres.

Nesi sen, la organización política soberanista pide que **se dexé d'especular** a golpe de nota prensa y **improvisación** con proyectos hipotéticos que llueu nun acaben de cuayar, ya que, **foi precisamente l'entemazu d'improvisación, especulación y ideoloxía les que desindustrializaron Llangréu**, Samartín y demás conceyos mineros, amás de **terciarizar** la so actividá económica dafechu.



02. LA POLÍTICA INDUSTRIAL QUE PROPÓN AÍNA

El Gobiernu asturianu tien que **pasar d'una política industrial pasiva y dependiente** de les tendencias económiques globales y **d'inversiones esternes** qu'anulen la capacidá llocal de toma de decisiones, **a una política industrial activa, emprendedora y soberana na que l'Alministración pública**, con toles ferramientes que tien, **llidere** la reindustrialización y ponga a producir el suelu industrial de les cuenques.

El rol del Gobiernu asturianu tien que **dexar de ser d'espectador y pasar a ser de dirección** y arquitectu, coordinando les polítiques de la mano de la **ciencia, la innovación, la Universidá d'Uviéu y la investigación** y, tamién, siendo **l'inversor principal**, poniendo en valor asina les empreses públiques del país y xenerando nueves siempre que seya preciso.



Llangréu, y arriendes d'ello la contorna'l Nalón, yá tien un activu estratéxicu: el CIPF CISLAN. Poro, tien la oportunidá de convertise nun distritu audiovisual integral que articule formación, producción y texíu empresarial de les industries culturales y creatives. Poro, ye menestes ver nél un espaciu con munchu más potencial qu'el de ser namás un espaciu de formación

D'otra banda, ye menester que **l'arquitectura de la industria asturiana se piense como un puzzle** nel que toles pieces cumplan un rol específicu qu'apurra una **mayor soberanía al territoriu**, fortaleciendo la economía social, **reteniendo'l talentu de la mocedá** y xenerando una **economía más resiliente** cola que construyir una meyor versión d'Asturies.

Nesi sen, n'Aína proponemos que polígonos como'l de **Modesta**, los terrenos de **Nitrastur** en Barros, el polígonu **La Moral** ente Tiuya y La Felguera, la nave onde s'abellugaba la vieya **Vesuvius** en Riañu o la gran factoría y terrenos de **Duro Felguera**, amás de tantos otros terrenos que tien **Hunosa** aparaos, dexen de ser oxetu d'especulación y abandonu, y se revitalicen con una **política industrial coherente, con visión de futuru y planificación estratéxica**. Y, amás, que quien **llidere'l** so desenvolvimientu seya'l **Gobiernu asturianu** xunto a la intelixencia qu'apurren la **ciencia** al traviés de la **Universidá** y los **centros d'anovamientu**.

03. ACTIVOS ESTRATÉXICOS: EL CIPF CISLAN

Llangréu, y arriendes d'ello la contorna'l Nalón, yá tien amguaño un **activu estratéxicu** pa diseñar la política industrial: el **CIPF CISLAN**, l'únicu centru públicu d'Imaxe y Soníu d'Asturies que forma anualmente a centenares de persones, mayoritariamente moces y mozos, n'animación 3D, soníu y producción.

Coles mesmes, el Gobiernu d'Asturies, al traviés de **Sekuens**, ta garrando una pequeña tendencia **d'impulsar progresivamente al sector audiovisual**, aunque entá nun lo fai d'una forma estratéxica y decidida.

Poro, **Llangréu tien la oportunidá de convertise nun distritu audiovisual integral** que articule formación, producción y texíu empresarial **de les industries culturales y creatives**. Pa ello, l'alministración asturiana tien qu'integrar el CISLAN como exe formativu de la estratexa asturiana, conectándolu con nueves infraestructures y **ver nél un espaciu con munchu más potencial qu'el de ser namás un espaciu de formación y d'esportación del talentu de la mocedá**.

Nesi sen, ye menester allugar **nuevos platós, infraestructures y estudios en Llangréu, creando asina un polu físicu** que concentre actividá, intelixencia, creatividá y talentu. Y, tamién, **aprovechar con ello la esitosa incubadora d'empreses de Valnalón**, venceyándola a esta estratexa pa que los nuevos titulaos puedan desenvolver y aniciar proyectos, productores y estudios que tengan el so epicentru nel conceyu.



Asturies pue tener una
mejor versión de sigo
mesma. Una versión
qu'entemeza talentu
llocal, recursos propios
y la capacidá
d'innovación pa xenerar
texíu productivu
duraderu, enraigónáu al
territoriu y de calidá.

Poru, l'oxetivu ye doble: vincular los rodaxes esternos a **servicios y téunicos** de la contorna, ya **impulsar la producción propia asturiana**. D'esa forma, el conceyu de **Llangréu llideraría una nueva industria cultural**, xenerando emplegu cualificáu y **diversificando** la so economía.

04. CONCLUSIONES COLES QUE SIGUIR FACIENDO CAMÍN.

Pa finar, con esti manifestu anicial sobre la industria, Aína reivindica qu'**otra política industrial ye posible** n'Asturies y, especialmente, nes cuenques mineres. Una **política activa, soberana y enraigonada nel territoriu**, que nun repita los erros del pasáu nin subcontrate'l futuru de la industria a decisiones tomaes lloñe d'equí.

Porque Aína sabe qu'**Asturies pue tener una mejor versión de sigo mesma**. Una versión qu'entemeza **talentu llocal, recursos propios y la capacidá d'innovación** pa xenerar texíu productivu duraderu, enraigónáu al territoriu y de calidá. Una versión que nun abandone a los conceyos de la contorna'l Nalón y mineros que mientres décades fueron motor industrial del país, sinón **que planifique la política industrial con visión de país** xenerando una rede de noyos estratéxicos qu'apurran un altu grau soberanía y resiliencia.

Nesi sen, esti manifestu nun ye un puntu y final, sinón un **puntu de partida**. Hai que seguir trabayando, proponiendo, esixendo y construyendo colectivamente esa otra política industrial.

Y **Aína va seguir trabayando por ello**. P'algamar una mejor versión de sigo mesma dende l'oriente a l'occidente y dende la cordalera a la mar.





Aina